

## #BitzDoheem Scouting in Luxembourg aktiv

#BleifDoheem an #BitzDoheem zwee grouss Schlagwierder an dëser aussergewöhnlecher Zäit déi vun enger Solidaritéitswell gepräagt ginn.

Bis Haut ( 17.4.2020) hu sech 400 Benevoller gemellt fir Masken ze bitzen. 800 Uriff op der Hotline #BitzDoheem déi vu benevollen Guiden a Scouten aus de Scoutsverbänn vun der FNEL an den LGS geréiert a koordinéiert gëtt. Zesumme mat der Post ass dëse Projet machbar, wou Bréifdréier bis lo ronn 400 YellowBoxen agesammelt hunn. Zesummen goufen ronn 20 000 Masken gebitzt an et sinn der nach a Produktioun. Leit si motivéiert hiren Deel zu der Situatioun bäizedroen an maachen dëst mat deem enorme Gest fir des Masken ze bitzen.

Ze errechen ass de Projet #BitzDoheem vun Méindes bis Freides op der Hotline 27 40 40 14 oder per E-Mail iwwer [bitzdoheem@sil.lu](mailto:bitzdoheem@sil.lu). Zousätzlech Informatiounen fann dir um Internetsite [www.bitzdoheem.lu](http://www.bitzdoheem.lu)

D' Regierung hat iwwer GovJobs en Opruff lancéiert, fir net-medezinesch Masken ze bitzen. D'Cellule de Krise huet doropshin dem SiL,an Zesummenaarbecht mat der Post d'Koordinatioun vum Opruff iwwerdreien. Dat soziaalt an dat benevolet Engagement, déi ënner anerem zwee vun de Wäerter vum Guidissem a Scoutissem sinn, huet de SiL dës Missioun gären ugeholl. De Projet #Bitzdoheem gouf den 30. Mäerz vum Scouting in Luxembourg, kuerz SiL, dem Daachverband vun den zwou nationale Scoutsfederatiounen, der FNEL (Fédération Nationale des Eclaireurs et Eclaireuses) an den LGS (Lëtzebuurger Guiden a Scouten) , an d'Liewe geruff.

Flott ass déi einfach an onkomplizéiert Zesummenaarbecht mat der Post, déi d'Yellowboxen zur Verfügung stellen, ofhuelen an nom Opdeelen duerch Guiden a Scouten rëm weider verdeelen.

Op der #BitzDoheem Hotline, déi vu benevollen Guiden a Scoute geréiert gëtt, ginn et Informatiounen, zum organisatoresche Volet, grad sou wéi genuch Uweisungen wéi een esou eng Mask bitzt, wéi een eng Yellowbox vun der Post kritt, an wéi a wéini dës rëm ofgeholl gëtt, asw.

D' Masken ginn un eng Rei sozial an karitativ Associatiounen verdeelt an dëst op Basis vun enger Lëscht, déi vum Ministère de la Santé approuvéiert gouf ginn. Caritas, Stëmm vun der Strooss, Croix-Rouge, Wunnengshëllef, ASTI, Fondatioun Kriibskrank Kanner, fir der nëmmen e puer ze nennen déi op dëser Lëscht stinn.

Och wa alternativ Masken natierlech kee komplette Schutz virun enger Ustiechung virum Covid-19 oder soss engem Virus bidden, reduzéieren se dach awer d'Risiken sech oder anerer unzustierchen.

Déi zwou Scoutsfederatiounen hunn mat hiren Aktiounen #AllDagEngBA schon e groussen Succès an déi jonk Guiden a Scouten déi sech fir vulnerabel Leit engagéieren, droen e groussen Deel zu där aktueller Solidaritéitswell bäi. Hei ginn zB. Kommissiounen fir vulnerabel Persounen, a Liewensmëttelgeschäfte an awer och an Apdikten oder bei der Post gemaach. Domadder hunn si en effizient Netzwierk opgebaut an d'Motivatioun fir sech sou ze engagéieren wiest vun Dag zu Dag mat all BA Aktioun weider.

Mir stinn lech natierlech och gäre fir en Interview zur Verfügung.

**Anouk Galassi**

*Présidente SIL – Commissaire Générale LGS*

tél.: 691 740 074

**Raoul Wirion**

*Commissaire Général FNEL*

tél.: 621 257 703